

**JAN.
2021**

ISLA((•))**NLINE**

Diaranson 6 January 2021

Email: IslaOnline@gobierno.aw Tel: 528-4900



ISLA ONLINE
NOTICIA DI GOBIERNO

**UN ISLA UNI
LO VENCE TUR RETO**



GOBIERNO DI **ARUBA**



PROME MINISTER DI ARUBA

EVELYN WEVER-CROES



Prome Minister Evelyn Wever-Croes: PROME MINISTER Y SECRETARIO DI ESTADO KNOPS A BISHITA FUNDACION CONTRA VIOLENCIA RELACIONAL

E siman aki Secretario di Estado Raymond Knops ta na Aruba pa un bishita di dos dia. Despues di tabatin un reunion cu Prome Minister Evelyn Wever-Croes, a bishita Fundacion Contra Violencia Relacional (e fundacion aki antes tabata yama Fundacion pa Hende Muhe den Dificultad).

E motibo tras di e bishita aki ta relaciona cu e hecho cu a pone placa disponible pa e Fundacion aki. Un aña y mey pasa ora cu a bira conoci cu Hulanda ta dispuesto pa pone fondo disponibel pa combati e crisis di Venezuela, a propone pa e Fundacion haya parti di e fondo pa por expande e shelter pa por yuda esnan cu ta wordo abusa (violencia domestico).

Un di e motibonan cu a dicidi di yuda e Fundacion cu e fondo aki ta e aumento den cifranan desde e crisis di Venezuela, sea ta nos propio localnan cu ta aplica abuso riba hende muhe Venezolano of pareha Venezolano cu a bin Aruba door di e situacion dificil, cu tambe tabata cay victima di violencia relacional. Pues a propone e proyecto aki y hunto cu CEDE Aruba y Gobierno Hulandes a bay di acuerdo pa inverti pa por a expande e shelter.

Segun tratadonan internacional, pa cada 10 mil persona cu ta biba den un Pais, bo mester di 1 camber/ shelter pa dado caso algo sosode. Aworaki Aruba ta cumpli cu e rekisito aki y hasta mas amplio cu esey. Esaki ta danki na e proyecto aki, financia door di Gobierno di Hulanda hunto cu CEDE Aruba y



momento cu a bira conoci cu Gobierno Hulandes ta bay inverti den ampliacion, tabatin mas partners local cu tambe a inverti.

Prome Minister Evelyn Wever-Croes ta felicita e directiva di e Fundacion pa e trabou enorme cu nan ta haciendo y e directora nobo cu ta hopi pasiona cu su trabou.

“Esaki ta un facilidad cu niun pais ta desea di tin, pero e ta un realidad. Especialmente aworaki den crisis e ta un realidad cu no por sconde, p’esey mi ta contento cu por tin e facilidadnan aki”, Prome Minister a duna di conoce.

Prome Minister a indica tambe cu Secretario di Estado Raymond Knops tabata hopi contento tambe pa mira tur e trabou cu a wordo haci cu e fondonan cu a wordo poni disponibel door di Hulanda.


Departamento di Salud Publico:

UPDATE 6 DI JANUARY 2021

Segun resumen di awe 36 persona a recupera, a registra un total di 95 caso nobo di Covid-19, di cual 91 ta residente y 4 no-residente. Cantidad total di testnan ehecuta ayera na e diferente localidadnan entre otro laboratorio di hospital, laboratorionan priva y aeropuerto ta 513 test, 'positivity rate' bou di nos residentenan ayera ta 38%).

Activo tin awe 488 caso, cantidad di fayecido relaciona cu Covid-19 ta 50.

Hospital ta informa cu tin un total di 13 persona interna di cual 6 ta den Cuido Intensivo y 7 riba unidad general di covid.

			
6/1/2021	TOTAL	RESIDENTE	NO-RESIDENTE
Casonan Nobo	95	91	4
Activo	488	460	28
Recupera	5273	5085	188
Positivo	5811	5595	214
Negativo	64183	-	-
Getest	70035	-	-
Getest na Airport	42553	-	-
Morto	50	50	0





MINISTER DI FINANSA, ASUNTONAN ECONOMICO Y CULTURA

MINISTER XIOMARA MADURO

Minister Xiomara Maduro ta aclarea: E REDUCCION DEN SALARIO Y BENEFICIO DEN SECTOR PUBLICO NO TA CONTA PA E BASHIPREMIE DI JANUARI



Un di e condicionnan pa Pais Aruba por a haya e fianza di Hulanda pa surpasa e efectonan cu e crisis di COVID19 ta trece cune ta, cu Gobierno mester a reduci gastonan di salario y beneficio di su personal cu 12,6% manera a keda aproba den

e Ley di austeridad, Landsverordening tijdelijke versoering bezoldigingen en voorzieningen overheid (AB 2020 no. 108). Pa por cumpli cu e reduccion necesario, e empleado publico mester a coopera cu entrega di 5% den salario, 50% di placa di vakantie y 50 % di e primanan paga na augustus (reparatietoelag) y na november (najaarspremie).

Minister Maduro ta aclarea cu e reduccion di salario y beneficio den sector publico no ta conta pa e prima paga na januari conoci como bashipremie (voorjaarspremie). Pues den januari e empleado publico lo cobra e bashipremie conforme e acuerdo bilateral di 28 di mei 2014. Minister Maduro ta informa cu pa aña 2021 e primanan ta subi conforme e acuerdo bilateral cu 106 florin y esey ta pone cu e bashipremie na januari ta bira 1812 florin. E pago di e otro primanan na augustus y november lo wordo haci conforme e ley di austeridad na 50% di e suma aki.

Minister Maduro ta informa tambe cu e primanan aki ta wordo paga solamente na e empleado publico y cu Parlamentario y Ministernan no ta cobra prima y nan a entrega 25% di nan salario y beneficio como aporte na e situacion di austeridad.



INFO MinFec 592-8200



Xiomara Maduro



XiomaraMaduro.com



GOBIERNO DI ARUBA

AlivioFiscal 2

13 Incentiva pa activa nos economia

Incentiva 1

Comerciante chikito cu un benta te cu 84 mil florin pa aña ta liber di BBO, BAZV y BAVP desde 1 di Januari 2021 (KOR).

Incentiva 2

Compania den sector prometedor ta haya un deducccion di 50% di prestamo te cu 30 mil pa aña 2020, 2021 y 2022.

Incentiva 3

Deducccion di 300% di gasto di formacion profesional pa aña 2020, 2021 y 2022.

Incentiva 4

Deducccion di 200% di gasto di promocion y mercadeo te cu maximo di 30 mil florin

Incentiva 5

Compensacion di perdida fiscal di aña 2020, 2021 y 2022 te cu 7 aña.

Incentiva 6

Maneho suavisa di tarifa di 10% di dividendo pa accionista biba na Aruba.

Incentiva 7

Maneho mas amplio di e regulacion di fondo di "spaar- en voorzieningsfonds" pa aña 2020 y 2021.

Incentiva 8

"Investeringsaftrek" ta wordo subi pa 10% y ta conta tambe pa producto di inversion cumpra den exterior.

Incentiva 9

Anulacion di impuesto riba auto y motorcycle di huur entrante e di cuater kwartaal di aña 2020 (periodo oktober te cu december 2020).

Incentiva 10

Areglo di pago flexibel pa empresa, particuller y pensonado 60+.

Incentiva 11

Por sanaa debe di impuesto den un solo pago cu un descuento di 30% te 30 di Juni 2021.

Incentiva 12

Reduccion di impuesto riba material di construccion di 12% pa 10%.

Incentiva 13

Reduccion di impuesto riba salario y entrada cu 2%



Effective November 1, 2020

TaxRelief 2

13 Incentives to activate our economy

Incentive 1

Small business owners with revenues (sales) up to AWG 84.000 less per year are exempt from paying taxes: BBO/BAZV/BAVP starting in 2021 (KOR).

Incentive 2

'Promising sector' startups 50% deductible of their loans in 2020, 2021 and 2022, up to a maximum of AWG 30,000 per year.

Incentive 3

Training deduction of 200% and tax-free training allowance in 2020, 2021 and 2022.

Incentive 4

A deduction of 200% for promotion and marketing costs in 2020, 2021 and 2022 up to a maximum of AWG 30,000.

Incentive 5

Compensation for losses suffered in 2020, 2021 and 2022 is extended to 7 years.

Incentive 6

A softer rate policy of 10% on dividends for all shareholders living in Aruba.

Incentive 7

Broadening of the beneficial policy with regards to the savings and provident fund scheme '*Spaar en voorzieningsfonds*' for employees in 2020 and 2021.

Incentive 8

Investment deduction will increase to 10% and will apply also for investment products purchased abroad.

Incentive 9

The tax on rental cars and rental motorbikes will be waived for Q4 of 2020 (october - december 2020)

Incentive 10

Flexible payment arrangements for businesses, individuals and pensioners in 2020 and 2021.

Incentive 11

Taxpayers who pay their outstanding tax assessments by June 30, 2021 in one-time will be granted a discount of 30%.

Incentive 12

Reduction on import duties of 12% to 10% for construction materials.

Incentive 13

2% reduction on wage and income tax rate.

Conditions are applicable visit www.impuesto.aw



Efectivo noviembre 1, 2020

AlivioFiscal 2

13 incentivos para reactivar nuestra economía

Incentivo 1

Comerciantes de pequeña empresas con ventas de hasta AWG. 84.000 por año desde 2021 no deben pagar **BBO/BAZV/BAVP (KOR)**.

Incentivo 2

Una deducción de 50% de sus préstamos en 2020, 2021 y 2022 hasta un máximo de AWG. 30.000 por año para las compañías en el sector prometedor.

Incentivo 3

Deducción de 300% de los costos de formación profesional en el año 2020, 2021 y 2022.

Incentivo 4

Deducción de 200% por gastos de promoción y mercadeo en el año 2020, 2021 y 2022 hasta un máximo de AWG 30.000.

Incentivo 5

Compensación para las pérdidas sufridas en el año 2020, 2021 y 2022 hasta 7 años.

Incentivo 6

Se suaviza el manejo de tarifa de 10% de dividendo para las accionistas que viven en Aruba.

Incentivo 7

Manejo mas amplio de regulacion del cuenta de ahorros '**Spaar en voorzieningsfonds**' para el año 2020 y 2021.

Incentivo 8

Una subida de 10% sobre ganancias por montos invertidos en activos operativos también para compras de productos de inversión en el exterior.

Incentivo 9

Anulación del impuesto sobre coches de alquiler y motos de alquiler entrante el cuarto trimestre de 2020 (*periodo octubre hasta diciembre 2020*).

Incentivo 10

Arreglos de pago flexibles para empresa, individuos y pensionado 60+.

Incentivo 11

Se puede sanear deudas tributaria en un pago único y recibirá un descuento de **30%** hasta el 30 de junio de 2021.

Incentivo 12

Reducción de 12% para 10% de los derechos de importación de materiales de construcción

Incentivo 13

Reducción de 2% de la tasa de impuestos sobre los salarios y la renta

Hay condiciones aplicables visita la pagina www.impuesto.aw



MINISTER DI TURISMO, SALUD Y DEPORTE

MINISTER DANGUI ODUBER



Minister Dangui Oduber: **PABIEN SAVANETA CENTRO DI BARIO SAVANETA A KEDA COMPLETAMENTE RESTAURA**

Diaranonson anochi Minister di Deporte Sr. Dangui Oduber a bishita Centro Di Bario Savaneta pa mira personalmente con e proyecto a keda. Centro di Bario Savaneta pa basta aña tabata den mal estado, dirigentenan no tabata haya oido di gobierno anterior. E gobierno aki si a duna atencion na e problema y a zorg pa e cancha keda completamente restaura.

Den e proyecto a aki a zorg pa verf ful e edificio, a drecha tur e hekwerk rond y e backstop di e cancha. Tambe a traha un porta di hero nobo, remodela e parti tribunal y pone lusnan LED nobo pa asina por haci sport parti anochi tambe.

Deporte ta un instrumento importante pa nos pais. E ta percura pa entre otro un bida mas saludabel, tanto fisico como mental, e ta tene hobennan leu di delincuencia y ta siña nan disciplina. Sin deporte, un nacion no tin bida. Pa e motibonan aki, Minister Dangui Oduber ta haya importante pa deporte na Aruba haya e atencion debido.

Minister Dangui Oduber ta sigui cumpli apesar cu e fondonan pa deporte ta hopi limita, asina mes a haci hopi pa deporte. E mandatario a menciona cu a yuda diferente clubnan cu material, airco, iluminacion y hopi mas. Intencion ta pa poco poco drecha den tur bario caminda tin necesidad pa cu deporte.

Minister Oduber kier a gradici e dirigentenan di Centro di Bario Savaneta pa tur locual nan a haci pa promove deporte y actividad fisico na Aruba y ta deseanan exito pa den futuro. Cu esaki minister Oduber ta ehecutando su maneho no obstante e retonan cu tin cu Fundacion Lotto Pa Deporte pa yuda mehora infraestructura pa stimula participacion den deporte.



Continuacion CENTRO DI BARIO SAVANETA A KEDA COMPLETAMENTE RESTAURA...



PRESENTACION DI CRISIS TEAM

CONFERENCIA DI PRENSA 6 JAN 2021:

CASONAN ACTIVO SECOND WAVE

CORONAVIRUS
COVID-19
Aruba

1 AUG - 6 JAN 2021



CORONAVIRUS
COVID-19

ANUNCIO:
**MEDIDANAN NOBO
Y RECOMENDACIONNAN**

PRESENTACION DI CRISIS TEAM

CONFERENCIA DI PRENSA 6 JAN 2021:



PROLONGACION:

7 - 31 JAN, 2021

■ **ORARIO DI CIERE**

10'OR PM

■ **TOQUE DE QUEDA**


11'OR PM - 5OR AM



Gobierno



Di **Aruba**



MEDIDANAN POLICIAL:

7 - 31 JAN, 2021

'LIK OP STUK', MANEHO DI 'FAYA BO HAYA'	GEBIEDSVERBOD	PERMISONAN	ENCUENTRONAN SOCIAL	ENTRETENEMENTO MUSICAL	ACTIVIDAD RIBA LAMA
Lo impone multa/ boet halto y lo wordo cobra mesora.	Prohibicion pa aglomera den luganan publico, manera parkeerplaats y beach, desde 7'or pm.	Permisionan pa actividadnan publico durante e period aki no lo wordo otorga.	<ul style="list-style-type: none"> Ta limita na e espacio disponible Tene cuenta cu e distancia di 1.5 meter No por tin mas di 10 persona paden, 25 persona pafo. Na cualquier momento Polis por cancela e encuentro si tin disturbio di orden publico, hasta si tin menos di 10 persona paden of menos di 25 persona pafo. 	No lo permiti entretenemento musical. Ni na cas ni na restaurant.	Riba boto y yate tampoco ta permiti aglomeracion: no mas di 4 persona riba yate/boto.



Gobierno



Di **Aruba**



PRESENTACION DI CRISIS TEAM

CONFERENCIA DI PRENSA 6 JAN 2021:



MEDIDANAN:

7 - 31 JAN, 2021


'LIK OP STUK', MANEHO DI 'FAYA BO HAYA'	GEBIEDSVERBOD	PERMISONAN	ENCUENTRONAN SOCIAL	ENTRETENEMENTO MUSICAL	ACTIVIDAD RIBA LAMA
Lo impone multa/ boet halto y lo wordo cobra mesora.	Prohibicion pa aglomera den luganan publico, manera parkeerplaats y beach, desde 7'or pm.	Permisionan pa actividadnan publico durante e period aki no lo wordo otorga.	<ul style="list-style-type: none"> Ta limita na e espacio disponible Tene cuenta cu e distancia di 1.5 meter No por tin mas di 10 persona paden, 25 persona pafo. Na cualquier momento Polis por cancela e encuentro si tin disturbio di orden publico, hasta si tin menos di 10 persona paden of menos di 25 persona pafo. 	No lo permiti entreteneamento musical. Ni na cas ni na restaurant.	Riba boto y yate tampoco ta permiti aglomeracion: no mas di 4 persona riba yate/boto.



Gobierno



Di Aruba



MEDIDANAN:

7 - 31 JAN, 2021

SHOPPING	CASNAN DI CUIDO	DEPORTE	COMERCIO
<ul style="list-style-type: none"> 1 persona so di cada famia. Ta bira obligatorio pa bisti tapa boca pafo tambe den caso cu no por mantene distancia di 1.5 meter. 	Casnan di cuido di nos grandinan lo escalan nan medidanan di precaucion.	<ul style="list-style-type: none"> Deporte ta permiti pa continua, cu excepcion di contact-sport, bou di e condicion cu no tin mas di 25 persona total na e actividad deportivo si ta pafo, y 10 si ta paden. Esaki ta inclui deportistanan, coach, referee, etc. No ta permiti publico na actividadnan deportivo. 	<ul style="list-style-type: none"> Cantidad di persona na mesa den restaurant ta 4 paden y pafo. No ta permiti entretenimento musical, solamente background music. No ta permiti baliamento.



Gobierno



Di Aruba



PRESENTACION DI CRISIS TEAM

CONFERENCIA DI PRENSA 6 JAN 2021:

RECORDADATORIO:

**CORONAVIRUS
COVID-19**


- Aplica reglanan di higiena
- Mantene distancia
- Bisti tapaboca paden, ora bo bishita un luga na tur momento
- Comercio: mester tin un compliance officer
- Entero: maximo 25 persona



Gobierno



Di **Aruba**



TASKFORCE:

**CORONAVIRUS
COVID-19**

**TASKFORCENAN LO SIGI CONTROLA, Y LO ACERCA COMERCIO
PA TA MAS ESTRICTO DEN APLICACION DI PROTOCOLNAN:**

META :

- Frena e plamamento di e virus
- Baha e cantidad di casonan activo
- Pa despues flexibilisa algun medida pendiente efecto di vacuna



Gobierno



Di **Aruba**





GOBIERNO DI *ARUBA*

*un
Feliz Dia*

ISLAONLINE
PA INFORMACION
CORECTO Y BERDAD